



ՄԱՅՐ ԱԹՈՌՈՒՄ

Մարտի 2-ին, շաբաթ, երեկոյան ժամը 7-ին, Հոգեւոր Ճեմարանի հանդիսասրահում, Մայր Աթոռի միաբանության և ուսանողության համար խոսեց Վեհափառ Հայրապետը, երանելի Ֆրանցիսկոսի սուրբ կյանքի մասին:

Վերջում հոգելից այս դասախոսության համար վեհափառ Հայրապետին խորին շնորհակալություն հայտնեց Ճեմարանի վերատեսուչ գերաշնորհ Տ. Հայկազուն արքեպիսկոպոս Աբրահամյանը:

* *

Մարտի 3-ին, Արամբսման կիրակին, Մայր Տաճարում պատարագեց հոգեշնորհ Տ. Սուշեղ վարդապետ Պետիկյանը և քարոզեց հոգեշնորհ Տ. Գրիգոր վարդապետ Նղիսյանը:

Սուրբ պատարագին ներկա էր Վեհափառ Հայրապետը:

* *

Մարտի 3-ին, Արամբսման կիրակին, Երևանի Ս. Զորավոր եկեղեցում քարոզեց հոգեշնորհ Տ. Ներսես վարդապետ Պողոսյանը «Շնորհա և մեղ Տէր ճաշակել զքաղցրութիւն քոց պատուիրանաց» բնաբանով:

* *

Մարտի 9-ին, շաբաթ, երեկոյան ժամը 7-ին, Հոգեւոր Ճեմարանի հանդիսասրահում, միաբանության և ուսանողության համար Վեհափառ Հայրապետը խոսեց հոգեւոր առաքինության մասին և լսվեց մեծ հետաքրքրությամբ:

* *

Մարտի 10-ին, Անառակի կիրակին, Մայր Տաճարում պատարագեց հոգեշնորհ Տ. Գրիգոր վարդապետ Նղիսյանը:

Քարոզեց Վեհափառ Հայրապետը Անառակ որդու առակի մասին:

* *

Մարտի 16-ին, շաբաթ, երեկոյան ժամը 7-ին, Հոգեւոր Ճեմարանի հանդիսասրահում, տեղի ունեցավ ուսանողության ուժերով կազմակերպված գրական-գեղարվեստական երեկո: Դ լսարանի ուսանող ուրարակիր Հրայր Գարավերդյանը ընթերցեց իր մեկ քարոզը՝ «Պայծառակերպությունը»:

Երեկոյին ներկա էր Վեհափառ Հայրապետը:

* *

Մարտի 17-ին, Տեմեսի կիրակին, Մայր Տաճարում պատարագեց հոգեշնորհ Տ. Մեսրոպ վարդապետ Պալյանը:

«Հայր մեր»-ից առաջ Վեհափառ Հայրապետը քարոզեց Տնտեսական առակի մասին:

* *

Մարտի 22-ին, ուրբաթ, առավոտյան ժամը 10-ին, Մայր Աթոռ Ս. էջմիածին այցելեցին Մոսկվայում հավատարմագրված օտար դիվանագիտական մարմինների ներկայացուցիչները դեսպանների ղլխավորությամբ: Հյուրերը եղան Մայր Տաճարում: Այնուհետև Ամենայն Հայոց Հայրապետը նոր Վեհարանում ընդունեց դիվանագիտական մարմինների ներկայացուցիչներին:

* *

Մարտի 24-ին, Դատավորի կիրակին, Մայր Տաճարում պատարագեց հոգեշնորհ Տ. Ներսես վարդապետ Պողապալյանը: Քարոզեց հոգեշնորհ Տ. Արսեն արեղա Բերբերյանը «Պարտ է յամենայն ժամ կալ յաղօթս» բնաբանով:

Նույն օրը Երևանի Ս. Զորավոր եկեղեցում քարոզեց հոգեշնորհ Տ. Մեսրոպ վարդապետ Պալյանը «Տէր, ուսո մեզ կալ յաղօթս» բնաբանով:

Նույն օրը Երևանի Ս. Հովհաննես եկեղեցում քարոզեց հոգեշնորհ Տ. Գրիգոր վարդապետ Եղիայանը «Դատաւոր արդարութեան հաստատեցեր զմիտս մեր» բնաբանով:

* *

Մարտի 30-ին, շաբաթ, «Տօն է Սրբոյն Գրիգորի մերոյ Լուսաւորչի սոսկալի շարձարանացն և մտին ի Վիրապն»: Մայր Տաճարում պատարագեց հոգեշնորհ Տ. Նարեկ արեղա Շաբարյանը: Քարոզեց հոգեշնորհ Տ. Գրիգոր վարդապետ Եղիայանը «Յորմէ բխեաց բաժակն ուրախարար տրտմեցելոյ ազինս» շարականի խոսքերը բնաբան ունենալով:

Նույն օրը, Երևանի Ս. Հովհաննես եկեղեցում պատարագեց և քարոզեց հոգեշնորհ Տ. Մեսրոպ վարդապետ Պալյանը «Յնծա այսօր, ցնծա և զուարճացիր Եկեղեցի» բնաբանով:

* *

Մարտի 30-ին, շաբաթ, էջմիածին քաղաքի Ս. Աստվածածին եկեղեցում, գերաշնորհ Տ. Ասողիկ եպիսկոպոս Ղազարյանը քահանա ձեռնադրեց Հոգևոր Ճեմարանի անցյալ տարվա շրջանավարտներից Արշակ սարկավագ Տերտերյանին, վերանվանելով նրան Տ. Գրիգոր քահանա:

Խարտավիլակի պաշտոնը կատարում էր հոգեշնորհ Տ. Ներսես վարդապետ Պողապալյանը:

Նորընծա Տ. Գրիգոր քահանան ծնվել է 1936 թվականին Պարսկաստանում, ներգաղ-

թել է 1947 թվականին և Հոգևոր Ճեմարան է ընդունվել 1956 թվականին:

* *

Մարտի 30-ին, շաբաթ, Երեկոյան ժամը 6-ին, Հոգևոր Ճեմարանի դահլիճում, դասախոսեց Արարատյան թեմի փոխանորդ հոգեշնորհ Տ. Վահան վարդապետ Տերյանը էջմիածնի դպրոցի մասին:

Դասախոսության ներկա էր Վեհափառ Հայրապետը:

* *

Մարտի 31-ին, Գալստյան կիրակին, Մայր Տաճարում պատարագեց հոգեշնորհ Տ. Արսեն արեղա Բերբերյանը:

Պատարագից հետո, Վեհափառ Հայրապետի նախագահությամբ, քառասունքի հոգեհանգստյան արարողություն տեղի ունեցավ Տանն Կիլիկիո Կաթողիկոսության հանգուցյալ երանաշնորհ Տ. Զարեհ Աթոռակալի հոգու հանգստյան համար: Հոգևոր Ճեմարանի վերատեսուչ գերաշնորհ Տ. Հայկազուն սրբազանը խոսեց հանգուցյալ Սրբազան Աթոռակալի մասին:

Սուրբ պատարագին և հոգեհանգստյան արարողության ներկա էին երջանկահիշատակ հանգուցյալի հարազատները, որոնք հետ սուրբ պատարագի ընդունվեցին Վեհափառ Հայրապետի կողմից:

* *

Մարտի 31-ին, Գալստյան կիրակին, Երեկոյան ժամը 6-ին, Ս. Զորավոր եկեղեցում, քարոզեց հոգեշնորհ Տ. Գրիգոր վարդապետ Եղիայանը, բնաբան ունենալով «Որ զխորհուրդ քո գալլստեանդ յառաջագոյն գուշակեցեր» շարականի խոսքերը:

Նույն օրը, Երևանի Ս. Հովհաննես եկեղեցում քարոզեց հոգեշնորհ Տ. Ներսես վարդապետ Պողապալյանը «Երուսաղէմ, Երուսաղէմ, որ կոտորէր զմարգարէսն և քարկոծ առնէր զառաքեալսն առ նա, քանիցս անգամ կամեցայ ժողովիլ զմանկունս քո» բնաբանով:

